


Heaven, God's beautiful Yaad



19

20

21

22

23

Written by Edward Hughes
Illustrated by Lazarus
Alastair Paterson

Translated by: www.christian-translation.com
Adapted by: Sarah S.

Story 60 of 60

M1914.org

Bible for Children, PO Box 3, Winnipeg MB R3C 2G1 Canada

License: Yu have di right fi copy or print deh story ya,
as long as yu nuh sell it.

God know seh all a wi do bad tings
weh Him call sins. Death a di penalty fi sin.

God love wi so much dat Him sen Him Son,
Jesus, fi dead pon di Cross an pay fi wi penalty.
Jesus come back alive an go Heaven!
Now God can figive fi wi sins.

If yu waan fi tun weh from yu sins, seh dis to
God: Dear God, mi believe seh Jesus did dead fi
mi an now him alive again. Please come inna mi
life an figive mi sins, so mi can have a new life
now, an den be wid Yu fi eva. Help mi live fi
yu as fi yu pickney. Amen. John 3:16

Read di Bible an chat to God every day!

Jamaican Patois

Wen Jesus live pon earth him tell him disciples
bout Heaven. Him call it "my Daddy's House,"
an seh a did nuff mansion ova deh.
A mansion is a big, pretty
house. Heaven big an
pretty dan any
earthly home.



Jesus seh, "mi affi prepare a place fi yuh. An if mi
guh prepare a place fi yuh, Mi a guh cum an tek yuh
fi mi self." Jesus did guh Heaven afta him wake up
from di dead. While him disciples watched, Jesus
get tek up, an a cloud tek him out a dem sight.



1


2

Since den, Christians memba Jesus Promise fi come back an tek dem. Jesus seh him a guh come back suddenly, wen dem nah expect it. But wah bout Christians weh dead before Him come? Di Bible seh dem guh straight fi be wid Jesus. To be absent from di body an to be present wid di Lord.

PRESENT WID DI LORD


3

Revelation, di last book inna di Bible, tell wi how pretty Heaven look. Di most wonderful ting is dat, in a very special way, Heaven a God yaad. God deh every weh, but Him throne deh inna Heaven.



4

Angel an odda heavenly being worship God inna Heaven. Jus like all a God people who dead an gone a Heaven. Dem sing special song an praise God.




5

Si some words yah from one song weh dem sing: YU IS WORTHY FOR YU REDEEM WI BY YU BLOOD OUT A EVERY TRIBE AN NATION AN MEK WI KINGS AN PRIEST TO WI GOD. (Rev. 5:9)



6

Di last page a di Bible describe Heaven as "The New Jerusalem". It big big wid a high wall out a door. Di wall mek outta jasper stone, clear as crystal. Jewels an precious stone cover di foundation a di wall, sparkling wid gorgeous colors. Each a di gate mek outta single huge pear!




7

Dem great pearly gate neva lock. Mek wi guh in deh guh look ... WOW! Heaven is more beautiful inside. Di city mek outta nuff gold, like clear glass. Even di road mek outta gold.




8

A beautiful, clear river a di wata of life flows from God's throne. On either side a di river is a tree of life, weh did first fine inna di Garden of Eden. Deh tree yah very special. It bear twelve different kind a fruit, a different one every month. An di leaf pon di tree of life is fi di healing of di nations.




9

Heaven nuh need sun or moon fi light. God glory full it wid wonderful light. Nuh night neva ova deh.



10

Even di animal dem inna Heaven different. All a dem tame an friendly. Wolf an lamb feed pon grass together. Even mighty lions eat straw like di ox dem. Di Lord seh, "Dem nuh fi hurt or destroy inna all a Mi holy mountain."



11

As wi look round, wi notice seh tings missing from Heaven. Nuh bad word nah cuss. Nuh body nah fight or be selfish. Nuh lock nuh deh pon di door, cause nuh thief nuh inna Heaven. Nuh liad, nuh murderers, sorcerers, or odda wicked ppl. Nuh sin nuh deh a Heaven.




12

Inna Heaven wid God yuh nah guh bawl. Sometime, God people bawl cause dem cyah believe seh dem a live such a good life. Inna Heaven, God a guh wipe weh all tears.



13


Nuh death nuh inna Heaven, either. God people dem wi be wid di Lord fi eva. Nuh more sorrow, nuh more bawling, nuh more pain. Nuh sickness, nuh parting, nuh funeral. Everybody inna Heaven a go happy fi eva wid God.



14

Best ting is, Heaven is fi all pickney (all big people to) weh believe pon Jesus Christ as fi dem Saviour an weh obey Him as dem Lord. Inna Heaven a book deh deh name di Lamb's Book Of Life, It full up a people name. Yu know who fa name write inna it? All a di people weh put dem trust inna Jesus.

Fi yu name in deh?



15

Di Bible last word dem bout Heaven is a wonderful invitation. "An di Spirit an di bride say, 'Come!' An mek him hear seh 'Come!' An mek him weh thirsty come. An who ever want, mek him tek di water of life fi free."



16

Heaven, God's beautiful Yaad

A story from God Word, di Bible

deh inna

John 14
2 Corinthians 5
Revelation 4, 21, 22

"Di entrance of Yu Word dem give light."
Psalm 119:130

17

18